

## DRUŠTVO GEODETA KANTONA SARAJEVO (DGKS)

Na inicijativu grupe entuzijasta sa područja Kantona Sarajevo, 25.01.2003. godine održana je Osnivačka skupština Društva geodeta Kantona Sarajevo, na istoj je bilo prisutno oko 150 članova i gostiju. Ovom prilikom bih istakao da najveća zasluga za ovo prije svega pripada cijenjenom kolegi spec. Eldinu Donlagiću, koji je preuzeo na sebe većinu organizacijskih i pripremih radova.

Društvo je osnovano na osnovu Zakona o udruživanju građana (Sl. Novine F BiH br. 6/95 i 14/97). Društvo geodeta kantona Sarajevo (DGKS) je strukovna, nestranačka organizacija, u koju se dobrovoljno udružuju geodetski stručnjaci, kao i drugi koji u svom radu saraduju sa njima, radi ostvarivanja zajedničkih interesa.

Društvo je pravna osoba s pravima i obavezama zasnovanim na osnovu Ustava Bosne i Hercegovine, Zakona i Statuta. Predstavljaju ga Izvršni odbor kao kolektivni izvršni organ, predsjednik Društva i sekretar Društva.

Ciljevi Društva su:

- stvaranje uslova za realizaciju istraživačkih programa u okviru geodetske struke i zalaganje za adekvatnu verifikaciju i afirmaciju istih,
- podsticanje stvaralaštva i primjena naučnih dostignuća u praktičnom i stručnom radu u svim oblicima geodetske djelatnosti,
- popularizacija naučno-istraživačkog rada i stvaralaštva među mladima,
- razvijanje saradnje sa srodnim organizacijama u zemlji i u svijetu,
- podrška pri izradi stručnih radova i knjiga iz oblasti geodezije, te pokretanje stručnog časopisa Društva,
- odavanje priznanja počasnim i zaslužnim članovima i
- solidarna briga o starijim i bolesnim članovima društva.
- Aktivnosti Društva treba da podstiču interes mladih za naučno istraživačkim radom, odnosno širenje znanja kao općeg doprinosa razvoja društva i nauke. Društvo saraduje sa svim organizovanim subjektima i pojedincima koji imaju slične ciljeve.

Prvim dijelom Osnivačke skupštine predsjedavao je Inicijativni odbor, a nakon izbora članova Izvršnog odbora isti je preuzeo predsjedavanje Skupštinom.

Izvršni odbor je izabran u sastavu:

Predsjednik	<i>Spec. Donlagić Eldin, dipl.inž.geod.</i>
Sekretar	<i>Arnautović Kemal, inž.geod.</i>

Članovi *Mulahusić Admir, dipl.inž.geod.* (predstavnik iz oblasti obrazovanja)  
*Mahir Esad, dipl.inž.geod.* (predstavnik iz Geodetskog zavoda)  
*Kadić Amra, dipl.inž.geod.* (predstavnik iz Geodetskog zavoda)  
*Sijerčić Adnan, dipl.inž.geod.* (predstavnik iz komunalnih organizacija)  
*Hadžiomerović Edin, dipl.inž.geod.* (predstavnik iz građevinskih i projektantskih firmi)  
*Pašalić Nedžad, dipl.inž.geod.* (predstavnik iz privatnih firmi)  
*Išerić Salih, dipl.inž.geod.* (predstavnik iz katastra)

Izvršni odbor obavlja slijedeće poslove:

- provodi odluke, zaključke i preporuke Skupštine,
- daje inicijativu za izmjene i dopune Statuta, kao i za donošenje drugih općih akata koje donosi i proglašava Skupština,
- prati rad drugih organa, daje prijedloge i sugestije za unapređivanje njihovog rada,
- saraduje sa drugim organizacijama, institucijama i pojedincima,
- upravlja imovinom Društva i materijalno finansijskim poslovanjem Društva,
- usvaja poslovnik o svom radu,
- rješava druga pitanja za koja ga ovlasti Skupština.



Slika: Izvršni odbor DGKS-a

Nakon izbora Izvršnog odbora pristupilo se izboru Nadzornog odbora i Suda časti.  
Za članove Nadzornog odbora izabrani su:

*Malanović Vehbija, dipl.inž.geod.*

*Hodžić Edin, dipl.inž.geod.*

*Sarić Šućrija, dipl.inž.geod.*

Nadzorni odbor razmatra i kontrolira:

- primjenu odredbi Statuta i drugih općih akata,
- materijalno-finansijsko poslovanje Društva,
- upravljanje imovinom Društva,
- ostvarivanje odluka i zaključaka i
- druge poslove za koje ga ovlasti Skupština.

Za članove Suda časti izabrani su:

*Vlašić Valentino, dipl.inž.geod.*

*Emirhafizović Mirza, dipl.inž.geod.*

*Čengić Haris, dipl.inž.geod.*

Sud časti se sastaje po potrebi i ima zadatak da rješava sve one slučajeve koji spadaju u njegovu nadležnost, a propisani su Pravilnikom o Sudu časti.

Nakon izglasavanja povjerenja gore pomenutim članovima Izvršnog odbora, Nadzornog odbora i Suda časti od strane Skupštine, vođenje daljim tokom Skupštine preuzeo je novoizabrani predsjednik DGKS-a spec. Eldin Đonlagić. Nakon usvajanja Dnevnog reda, koji je predložio predsjednik, prešlo se na obrađivanje istog pojedinačno po tačkama. Nakon usvajanja prijedloga usvojen je Statut DGKS-a. Jednoglasno su usvojeni Poslovnik o radu Skupštine Društva i Pravilnik Suda časti. Oba su plan rada za tekuću godinu. Skupština je prenijela ovlaštenja po ovom pitanju na Izvršni odbor. Na kraju se raspravljalo o prijedlogu Inicijativnog odbora vezano za članarinu i logo Društva.

Na kraju bih se, u ime svih članova Društva, zahvalio Dekanu Građevinskog fakulteta Prof.dr Husni Hrelji na ustupljenom prostoru, kao i Federalnoj upravi za geodetske poslove na pruženoj materijalnoj podršci.

*Admir Mulahusić*